



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. II. Solvuntur objectiones

[urn:nbn:de:hbz:466:1-78232](#)

Quarād, Idem Doctor Angelicus hic art. 4. ad A 1. ait: *Ipam executionem oporis praeedit motio, quā voluntas mouet ad exequendum, sequitur autem electionem: & sic cū usus pertineat ad praeclaram motionem voluntatis, medium est inter electionem & executionem.* Atqui ad executionem pertinent actus aliarum potentiarum: Ergo cū usus, juxta D. Thomam, ad motionem voluntatis pertineat, & mediet inter electionem & executionem, non conficit in aliis aliarum potentiarum, nec in electione, sed in aliis distincto. Unde Granado hic controv. 2. disp. 5. num. 2. Sodales suos (Vazquen scilicet & Solas) notans, ait: *Omnino ergo contra B. Thomam & veritatem sentiunt nonnulli Docti juniores, qui non solum istum actum (loquitur de usu activo) in voluntate non admittunt, sed contendunt non admitti à S. Doctore.*

8 Probatur secundò conclusio ex doctrina quam tradit S. Thomas hic art. 4. in corp. ubi docet voluntatem duplēm habitudinem ad volitum dicere; unam secundum quod est in voluntate per quandam proportionem, & aliam ad volitum habendum realiter; & quia ad primam spectat electio, & ad secundam usus, infert usum esse post electionem. Ex quo sic postenus arguere: Actus voluntatis cum volito conjungens solum affectivè, distinctus est essentialiter ab actu conjungente voluntatem cum volito ut realiter habito: At electio solum primo modo conjungit voluntatem cum volito, nam ex vi illius volitū non habetur in re; usus autem realiter eam conjungit cum volito, cum ex vi illius potentia exequentes applicentur, & effectus itarim sequatur: Ergo electio & usus realiter distinguuntur.

9 Confirmatur & magis illustratur hæc ratio. Illi actus realiter distinguuntur, quorū unus pertinet ad ordinem intentionis, & alius ad ordinem executionis: Sed electio & usus sic se habent; nam ordo intentionis incipit ab intentione finis, & completur in electione mediiorum, ut docet S. Thomas loco citato; ordo vero executionis incipit ab usu, quod moventur & applicantur potentia exequentes ad executioni mandandum quod electum est, & completur in finis realiter habiti fructione: Ergo electio & usus sunt actus realiter inter se distincti.

10 Probat tertio: Quando nova difficultas se offert, voluntas indiget novā applicatione & conatu, subindeque novo actu ad illam vincendam: At in executione major difficultas se offert, quam in sola electione; quia eligere est actus mere interius, in quo voluntas solum certat secum, nec habet aliud impedimentum, aut difficultatem, quam eam quæ se tenet ex parte sui; insequendo autem non solum certat secum, sed etiam cum aliis potentias inferioribus, & impedimentis externis; quare videamus multos facillime judicare, consiliari, & eliger, seu determinare se interius, qui posse in executione deficiunt; sicut D. Petrus eligeret morti pro Christo, & judicabat se posse facere id quod proponebat, & tamen in executione omnino defecit, & bæc columnæ firmisima, ad unius aure impulsum contremuit, ut loquitur Augustinus: Ergo præter actum electionis indiget voluntas novo actu ad exequendum, seu ad applicandas potentias executrices ad opus. Unde etiam Aureola martyrii non datur eligentibus per actum interiorem efficaciter mori pro

Christo, sed tantum mortem actu patientibus; quia felicitas in actuali tolerancia mortis, est specialis difficultas, cui speciale primum correspondet.

Denique suadetur conclusio: Actus habentes idem materialem objectum, inspectum sub diversis rationibus, essentialiter distinguuntur, ut patet in intentione, fructione, & simplici complacencia, que licet versentur circa finem, quia tamen sub diversis rationibus illum attingunt, essentialiter distinguuntur: Sed electio & usus, est terminantur ad medium, tendunt tamen in illud sub diversis rationibus; nam electio respicit ipsum ut pertinet ad ordinem intentionis, & ultimum in eo, & effectus finis; usus vero respicit illud, ut pertinet ad ordinem executionis, & in eo est primum, & causa efficientis finis habitur: Ergo distinguuntur essentialiter.

Confirmatur primò: Electio est versetur circa media, specificatur tamen a fine, que est ratio formalis appetendi media in ordine intentionis. At usus non a fine, sed a medio, ut sunt causa finis, specificationem delimit: Ergo gaudet specificativis essentialiter distinctis, & consequenter essentialiter distinguuntur.

Confirmatur secundò: Intentio que est actus efficax circa finem, distinguuntur a fructione qualiter, rationis autem tanquam dirigenz, & diuersarum potentiarum tanquam exequentium: Sed actus a ea potentia elicuntur: Ergo uti non est actus a voluntate, sed ab aliis potentias exequentibus elicitus.

S. VI.

Solvuntur objectiones.

OBIECTUS primò cum Vazque: D. Thomas hic art. 1. in corpore ait: *Vt primi & principali est voluntatu tanquam primi motus, rationis autem tanquam dirigenz, & diuersarum potentiarum tanquam exequentium: Sed actus a ea potentia elicuntur: Ergo uti non est actus a voluntate, sed ab aliis potentias exequentibus elicitus.*

Confirmatur: Ex eo quod Divus Thomas docet uti esse actiones rationis tanquam dirigentes, non sequitur esse actum ab intellectu elicimus: Ergo pariter ex eo quod aliter est esse actum voluntatis ut primi motientis, non sequitur eum ab ipsa elicere.

Confirmatur amplus: Imperium est actus voluntatis tanquam motientis; siquidem est actus intellectus ut more a voluntate, sicut docet D. Thomas qu. sequenti art. 1. & tamen non est a voluntate elicimus. Ergo ex eo quod usus sit actus voluntatis tanquam primi motientis, non licet colligere esse actum a voluntate elicimus.

E Ad objectionem respondeo, distinguendo 1) Minorem: Si executive activè comparetur ad illum actum, concedo Minorem: si passivè solum, nego Minorem & Consequentiam: potentia enim motrix a voluntate, non activè, sed passivè comparantur ad usum, quia medio illo a voluntate applicantur ad opus. Vel aliter distinguo Minorem. Quando est applicatio & concesso Minorem: Quando est applicatio & motio ad executionem, nego Minorem, & Consequentiam; quia usus activus non est executio, sed applicatio & motio potentiarum ad executionem; subindeque non elicuntur a potentia

exequente, sed à movente, quæ voluntas est. Ad primam confirmationem, nego Consequentiam: cum enim uti non sit dirigere, sed movere, est illius potentia ut elicientis, cuius est ut moventis.

Ad secundam, nego etiam consequentiam ob eandem rationem: imperium enim non est substantialiter motio, sed directio motiva, & ideo illius potentia est ut elicientis, cuius est ut dirigenis, non verò cuius est ut moventis. De quo infra.

Objicies secundò: Omnis actus à voluntate efficitur; est in ea tanquam subiecto: Sed usus non subiectatur in voluntate: Ergo non est actus ab ea elicitus. Probatur minor: Actio & passio sunt in eodem subiecto: Sed usus passivus est in potentia exequentibus: Ergo & usus activus.

Respondeo concessā Majori, negando Minorē. Ad cuius probationem dicendum est usum non esse actionem transuerte formaliter, sed tantum virtualiter: actio autem virtualiter transiens non debet esse in eodem subiecto in quo est usus quam in se, ut patet in creatione, & aliis Dei actionibus virtualiter transuertentibus.

Objicies tertio: Usus est essentialiter electio: Ergo non distinguitur ab ea. Consequentia patet, Antecedens probatur primo. Omnis actus efficax qui versatur circa utile ut tale, est electio, sicut omnis actus efficax qui circa finem ut per media consequendum existit, est intentio: At usus versatur efficaciter circa utile ut tale: Ergo est electio essentialiter.

Secundò probatur idem Antecedens: Desiderium efficax unius medij præ alio, est electio: Sed usus est desiderium efficax unius medij præ alio; cum non sit amor specialiter dicitur, qui abstrahit à presentia & absentia, nec delectatio qui supponit bonum habituum: Ergo essentialiter est electio.

Respondeo negando Antecedens. Ad cuius prima probationem respondeatur, juxta dicta in ultima probatione conclusionis, distinguendo Majorē, eamque concedendo de actu efficiaci circa utile, ut est effectus finis in ordine intentionis; negando autem de actu qui attingit utile, prout est causa finis in ordine executionis; & sub eadem distinctione Minoris, nego Consequentiam: quia usus non attingit utile, prout est effectus finis in ordine intentionis, sed prout ipsum causat in ordine executionis:

Ad secundam probationem, sub eadem distinctione Majoris & Minoris, nego Consequentiam: dato enim quod usus si desiderium efficax unius medij præ alio, non tamen est electio, sed actus ab illa distinctus; ob rationem iam dictam, quia scilicet non erga medium, ut est effectus finis, sed circa finem, quem in ordine executionis causat, versatur. Dixi, dato quod si desiderium: usus enim non est desiderium de bono futuro, sed quasi delectatio de bono utili presenti; non speculativa, sed practica, quæ boni presentiam non supponit, sed causat: sicut enim intuitio pure speculativa objectum prefens non causat, sed causatum supponit; quæ vero practica est, causat presentiam objectum, ut in tractatu de scientia Dei fusse declaravimus: ita de delectatione dicendum est. Usus tamen non est delectatio in rigore: quia in hac quiescit appetitus; in usu autem non quiescit voluntas, sed ad finem tendit.

Objicies quartò: In brutis, præter affectum,

A quo appetitus aliquid appetit, non requiritur alius actus applicans potentiam exequentem ad opus: Ergo neque in nobis, posita electione, alii actus voluntatis ad applicandum alias facultates requiretur.

Respondent aliqui, negando Antecedens: dicunt enim posse distinguere duos actus in appetitu brutorum, unum quod appetunt bonum delegabile sibi convenienter & proportionatum; alterum quod movetur quoad executionem ad illud: quia tamen totum hoc faciunt ex instinctu naturæ, propriètati utuntur, sicut nec eliguntur.

Respondō tamen, datō Antecedentī, negando Consequentiam, & paritatem: brutum enim ducitur impetu & instinctu naturæ ad exequendum; homo autem arbitrio & ratione, & cum quadam proportione & commensuratione ad finem, & ad circumstantias hic & nunc occurrentes, juxta quas dispensat efficaciam, contum, & applicationem suam, ut sit major aut minor; juxta exigentiam difficultatum & negotiorum: & ideo talis applicatio, seu usus, debet esse actus voluntatis activè utentis & applicantis, non verò solius facultati mota & applicata; debet etiam esse distinctus ab electione, quia post electionem modij adhuc est in arbitrio & potestate voluntatis ipsam executionem modificare, & temperare magis vel minus, juxta circumstantias occurrentes, & exigentiam finis.

Objicies quintò: Electio est volutio efficax mediorum: Ergo per seipsum sufficiens est ad eorum executionem; & sic inutilis est usus activus, quod potentia exequentes applicentur ad opus.

Sed nego Consequentiam: Electio enim non dicitur efficax volutio mediorum, eò quod ipsa sola absque alio actu intellectus & voluntatis sufficiat, ut media executioni mandentur, sed quia ad ipsam infallibiliter sequitur imperium intellectu, & usus in voluntate, quod applicantur potentia ad exequendum quod electum est; sicut ad intentionem efficacem sequitur infallibiliter electio mediorum.

Objicies ultimò: Voluntas per seipsum movet & applicat intellectum ad elicendum actum imperij, qui usum activum præcedit: Ergo etiam supposita electione potest voluntas absque actu distincto uti potentiis exequentibus, & ipsas ad operationem applicare.

Respondent aliqui ex nostris Thomistis, negando Antecedens: existimant enim quod ut voluntas utatur intellectu ad imperandum, requiriuntur actus distinctus ab electione, non minus quam ut utatur potentis executivis.

Sed hæc solutio & doctrina displaceat: Primo quia D. Thomas hic querit, art. 3. ad i. sic ait: Post determinationem consilij, qua est judicium rationis, voluntas eligit, & post electionem ratio imperat ei per quod agendum est quod eligitur, & tunc demum voluntas alicujus incipit uti, exequendo imperium rationis. Ubi S. Doctor enumerans suo ordine actus concurrentes ad opus, post electionem ponit imperium, non enumerando alium actum voluntatis, medium inter electionem & imperium, quod voluntas applicet intellectum ad imperandum: Ergo ut voluntas utatur intellectu ad imperandum, non requiritur actus distinctus ab electione. Idem lentire videtur Damascenus libro 2. fidei cap. 22.

dicens: *Voluntas post electionem, impetum facit ad operationem, & postea utitur; nam ut interpretatur D. Thomas loco citato, in argumeto sed contra, per impetum intelligit imperium.*

31 Secundò: *Electione & usus circa idem versantur: At licet in ordine reflexo possit dari electione de imperio, distincta ab electione de mediis, si expressè à voluntate appetatur in ordine ad finem, in ordine tamen directo, non datur electione de imperio, sed solum de mediis: Ergo licet in ordine reflexo, possit dari usus ab electione distinctus, applicans intellectum ut imperiet, in ordine tamen directo talis actus non exigitur.*

32 Confirmatur: *Voluntas non solum utitur intellectu ad imperandam, sed etiam seipsa ad cligendum: At tu voluntas in ordine directo se ad electionem applicet, non requiritur actus ab intentione distinctus: Ergo ut applicet intellectum ad imperandum, non est necessarius actus ab electione diversus.*

33 Tertiò: *Si ad actum imperij prærequireretur usus aliquis activus ex parte voluntatis, ab electione distinctus, deberet ex parte intellectus præcedere aliud imperium, regulans hujusmodi usum: Sed hoc dici nequit, alioquin ad istud imperium requireretur aliis usus, & sic in infinitum: Ergo nec illud. Sequens probatur: Non alia ratione probatur necessitas imperij, distincti à judicio regulante electionem, ad applicandum potentias, exequentes ad opus, nisi quia ad talem applicationem requiritur actus ab electione distinctus: Ergo si ut applicetur intellectus ad imperium, necessarius sit usus distinctus ab electione, requiriatur etiam imperium à judicio regulante electionem distinctum.*

34 Hac ergo solutione prætermissa, melius respondetur ad argumentum, concessò Antecedente, negando, Consequentiam & paritatem. Ratio differiminis est, Primo quia in exequendo major reperitur difficultas, quam in imperando; unde licet voluntas ad applicandas potentias exequentes ad opus, novo actu ab electione distincto indigat, non tamen ad applicandum intellectum ad actum imperij. Secundò, ideo in voluntate ponimus actum distinctum ab electione, ut exequatur, & applicet potentias inferiores ad suas operationes; quia in mediis, ut ad ordinem executionis spectantibus, diversa est ratio appetibilitatis, quam supra explicimus, que ratio, cum de imperio non mislit, non est cur actus ab electione distinctus, necessarius sit, ut voluntas applicet intellectum ad imperium, sed ipsa electio, non præcise quatenus est acceptio unius præ alio, sed quatenus ex vi prioris intentionis habet vim inveniendi intellectum, habebit rationem usus virtualis in ordine ad actum imperij. Idem cum proportione dicendum est de intentione, respectu confilii: nam illa est simul formaliter intentio, & virtualiter applicatio intellectus ad consultandum de mediis.